

四庫全書薈要·乾隆御覽本

史部

欽定四庫全書

史記卷三十五

史部

史記卷三十五

漢太史令司馬遷撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

管蔡世家第五

管叔鮮正義音仙括地志云鄭州管城縣今州外城即管國城也是叔鮮所封國也蔡叔度

者周文王子而武王弟也武王同母兄弟十人母曰太
姒正義國語云杞縉二國姒姓夏禹之後太姒之家太
姒文王之妃武王之母列女傳云太姒者武王之母
禹後姒氏之女也在邰之陽在渭之涘仁而明道文王
喜之親迎于渭造舟爲梁及入太姒思齊旦夕勤勞以
盡婦道太姒號曰文母文王理外文母治內太姒生十
男教誨自少及長未嘗見邪僻之事言常以正道持之
也文王正妃也其長子曰伯邑考次曰武王發次曰管
叔鮮次曰周公旦次曰蔡叔度次曰曹叔振鐸次曰成
叔武正義括地志云濮州雷澤縣在東南九十一里漢
鄖陽縣古鄖伯姬姓之國其後遷於成之陽次
曰霍叔處正義處昌汝反括地志云晉州霍邑縣本漢
縣也鄭玄注周禮云霍山在嬴本春秋時

霍伯國地

次曰康叔封次曰冉季載

正義冉一作冉音奴甘反或作冉音同冉國名

也季載人名也伯邑考最長所以加伯
諸中子咸言叔以載最少故言季載

冉季載最少同

母昆弟十人

集解徐廣曰文王之子為侯者十有六國

唯發旦賢左右輔文

王正義左右並去聲

故文王舍伯邑考而以發為太子及文王

崩而發立是為武王伯邑考既已前卒矣武王已克殷

紂平天下封功臣昆弟於是封叔鮮於管

集解杜預曰管在滎陽京

縣東北封叔度於蔡

集解駟案世本曰居上蔡

二人相紂子武庚祿父

治殷遺民封叔旦於魯而相周為周公封叔振鐸於曹

封叔武於成

索隱按春秋隱五年衛師入鄭杜預曰東平剛父縣有鄭鄉後漢地理志以為成本

國又地理志云廩丘縣南有成故城應劭曰武王封弟季載於成是古之成邑應仲遠誤云季載封耳

叔處於霍

索隱春秋閔元年晉滅霍地理志云河東彘縣霍太山在東北是霍叔之所封

康叔

封冉季載皆少未得封

索隱孔安國曰康畿內國名地闕叔字也封叔名耳

武王

既崩成王少周公旦專王室管叔蔡叔疑周公為之不利於成王乃挾武庚以作亂周公旦承成王命伐誅武

庚殺管叔而放蔡叔遷之與車十乘徒七十人從而分

殷餘民為二其一封微子啓於宋以續殷祀其一封康

叔為衛君是為衛康叔封季載於冉

索隱冉國也季字也冉或作

鄭國語云冉季鄭姬賈達曰文王子聃季之國也莊十八年楚武王克權遷於那處杜預曰那處楚地南郡編

縣有那口城聃與鄭皆音奴甘反冉季康叔皆有馴行

索隱如字音巡馴善也於

是周公舉康叔為周司寇冉季為周司空

索隱事見左傳定公四年

以佐成王治皆有名於天下蔡叔度既遷而死其子

曰胡胡乃改行率德馴善周公聞之而舉胡以為魯卿

士索隱尚書云蔡仲克庸祇德周公以為卿士叔卒乃命諸王邦之蔡元無仕魯之文又伯禽居魯乃是七年致政之後此言乃說居攝政之初未知史遷何憑而有斯言也

魯國治於是周公言

於成王復封胡於蔡以奉蔡叔之祀是為蔡仲

集解宋
曰胡徙

居新
蔡餘五叔皆就國無為天子吏者

索隱五叔管叔蔡
叔成叔曹叔霍叔

蔡仲卒子蔡伯荒立蔡伯荒卒子宮侯立宮侯卒子厲

侯立厲侯卒子武侯立武侯之時周厲王失國奔彘共

和行政諸侯多叛周武侯卒子夷侯立夷侯十一年周

宣王即位二十八年夷侯卒子釐侯所事立釐侯三十

九年周幽王為犬戎所殺周室卑而東徙秦始得列為

諸侯

正義周幽王為犬戎所殺平王東徙洛邑秦襄公以兵救因送平王至洛故平王封襄公

四十

八年釐侯卒子共侯興立共侯二年卒子戴侯立戴侯
十年卒子宣侯措父立宣侯二十八年魯隱公初立三
十五年宣侯卒子桓侯封人立桓侯三年魯弑其君隱
公二十年桓侯卒弟哀侯獻舞立哀侯十一年初哀侯
娶陳息侯亦娶陳集解杜預曰息國汝南新息縣夫人將歸過蔡蔡
侯不敬息侯怒請楚文王來伐我我求救於蔡蔡必來
楚因擊之可以有功楚文王從之虜蔡哀侯以歸哀侯
留九歲死於楚凡立二十年卒蔡人立其子勝是為繆

侯繆侯以其女弟為齊桓公夫人十八年齊桓公與蔡女戲船中夫人蕩舟桓公止之不止公怒歸蔡女而絕也蔡侯怒嫁其弟索隱弟女弟即蕩舟之姪齊桓公怒伐蔡蔡潰

遂虜繆侯南至楚邵陵已而諸侯為蔡謝齊齊侯歸蔡侯二十九年繆侯卒子莊侯甲午立莊侯三年齊桓公卒十四年晉文公敗楚於城濮二十年楚太子商臣弑其父成王代立二十五年秦穆公卒三十三年楚莊王即位三十四年莊侯卒子文侯申立文侯十四年楚莊

王伐陳殺夏徵舒十五年楚圍鄭鄭降楚復醉之正義

釋音二十年文侯卒子景侯同立景侯元年楚莊王卒

二十九年景侯為太子般娶婦於楚而景侯通焉太子

弑景侯而自立是為靈侯靈侯二年楚公子圍弑其王

鄭敖而自立為靈王正義鄭紀治反敖五高反九年陳司徒招弑其

君哀公索隱招或作蒼又作昭並音時遙反楚使公子棄疾滅陳而有之

十二年楚靈王以靈侯弑其父誘蔡靈侯于申正義故申城在

鄧伏甲飲之醉而殺之刑其士卒七十人令公子棄疾

圍蔡十一月滅蔡使棄疾為蔡公

正義蔡大夫也

之楚滅蔡三

歲楚公子棄疾弑其君靈王代立為平王平王乃求蔡

景侯少子廬立之是為平侯

集解宋忠曰平侯徙下蔡索隱今系本無者近脫耳

是年楚亦復立陳楚平王初立欲親諸侯故復立陳蔡

後

集解駟案世本曰平侯者靈侯般之孫太子友之子

平侯九年卒靈侯般之孫

東國攻平侯子而自立是為悼侯悼侯父曰隱太子友

隱太子友者靈侯之太子平侯立而殺隱太子故平侯

卒而隱太子之子東國攻平侯子而代立是為悼侯悼

侯三年卒弟昭侯申立昭侯十年朝楚昭王持美裘二
獻其一於昭王而自衣其一楚相子常欲之不與子常
讒蔡侯留之楚三年蔡侯知之乃獻其裘於子常子常
受之乃言歸蔡侯蔡侯歸而之晉請與晉伐楚十三年
春與衛靈公會邵陵蔡侯私於周萇弘以求長於衛集解杜預曰汝南
服虔曰載書使蔡在衛上衛使史鮒言康叔之功德乃長衛夏為晉
滅沈集解杜預曰汝南
平輿縣有郕亭楚怒攻蔡蔡昭侯使其子為質
於吳以共伐楚正義質音致冬與吳王闔閭遂破楚入郢蔡

怨子常子常恐奔鄭十四年吳去而楚昭王復國十六年楚令尹為其民泣以謀蔡蔡昭侯懼二十六年孔子如蔡楚昭王伐蔡蔡恐告急於吳吳為蔡遠約遷以自近易以相救昭侯私許不與大夫計吳人來救蔡因遷蔡于州來索隱州來在淮南下蔡縣二十八年昭侯將朝于吳大夫恐其復遷乃令賊利殺昭侯索隱利賊名也已而誅賊利以解過而立昭侯子朔是為成侯集解徐廣曰或作景成侯四年宋滅曹十年齊田常弑其君簡公十三年楚滅陳十九年成

侯卒子聲侯產立聲侯十五年卒子元侯立元侯六年
卒子侯齊立侯齊四年楚惠王滅蔡蔡侯齊亡蔡遂絕
祀後陳滅三十三年索隱魯哀十七年楚滅陳其楚滅
年即在春秋伯邑考其後不知所封武王發其後為周
後二十三年有本紀言管叔鮮作亂誅死無後周公旦其後為魯有
世家言蔡叔度其後為蔡有世家言曹叔振鐸其後為
曹有世家言索隱曹亦姬姓之國而文之昭春秋之時
頗稱強國傳數十代而後亡豈可附管蔡第自合析為一篇成叔武其後世無所見霍叔處其

後晉獻公時滅霍康叔封其後為衛有世家言冉季載其後世無所見

太史公曰管叔作亂無足載者然周武王崩成王少天下既疑賴同母之弟成叔冉季之屬十人為輔拂是以諸侯卒宗周故附之世家言

曹叔世家

索隱按上文叔振鐸其後為曹有系家言即
曹亦合題系家今附管蔡之末而不岀題者

蓋以曹小而少事迹因附管蔡之末不別題篇爾
且又管雖無後仍是蔡曹之兄故顯管蔡而畧曹

曹叔

振鐸者周武王弟也武王已克殷紂封叔振鐸於曹

集解

宋忠曰濟叔振鐸卒子太伯脾立太伯卒子仲君平立
陰定陶縣

仲君平卒子宮伯侯立宮伯侯卒子孝伯雲立孝伯雲
卒子夷伯喜立夷伯二十三年周厲王奔于彘三十年
卒弟幽伯彊立幽伯九年弟蘇殺幽伯代立是為戴伯
戴伯元年周宣王已立三歲三十年戴伯卒子惠伯兕
立集解孫檢曰兕音徐子反曹惠伯或名雉或名弟或
復名弟兕也索隱按年表作惠公伯雉註引孫檢未
詳何代或云齊人亦恐其人不註史記所以王
倫七志阮孝緒七錄並無不知裴駟何所從錄惠伯二
十五年周幽王為犬戎所殺因東徙益卑諸侯畔之秦

始列為諸侯三十六年惠伯卒子石甫立其弟武殺之代立是為繆公繆公三年卒子桓公終生立集解孫檢曰一作終

涅涅桓公三十五年魯隱公立四十五年魯弑其君隱公四十六年宋華父督弑其君殇公及孔父五十五年

桓公卒子莊公夕姑立

索隱夕音亦射姑也同音亦即莊公二十三年

齊桓公始霸三十一年莊公卒子釐公夷立釐公九年

卒子昭公班立昭公六年齊桓公敗蔡遂至楚召陵九

年昭公卒子共公襄立共公十六年初晉公子重耳其

亡過曹曹君無禮欲觀其駢脅

集解韋昭曰駢者并幹
也正義駢白邊反脅許

反釐負羈諫不聽

正義釐音
僖曹大夫

私善於重耳二十一年晉

文公重耳伐曹虜共公以歸令軍毋入釐負羈之宗族

間或說晉文公曰昔齊桓公會諸侯復異姓今君囚曹

君滅同姓何以令於諸侯晉乃復歸共公二十五年晉

文公卒三十五年共公卒子文公壽立文公二十三年

卒子宣公彊立

索隱左傳
宣公名廬

宣公十七年卒弟成公負芻

立成公三年晉厲公伐曹虜成公以歸已復釋之

索隱左

傳成十五年晉厲公執負芻歸於京師晉立宣公弟子
臧子臧曰聖達節次守節下失節為君非吾節也遂逃
奔宋曹人請於晉晉人謂子臧反國
吾歸而君子臧反晉於是歸負芻五年晉樂書中行
偃使程滑弑其君厲公二十三年成公卒子武公勝立
武公二十六年楚公子棄疾弑其君靈王代立二十七
年武公卒子平公頃立平公四年卒子悼公午立是歲
宋衛陳鄭皆火悼公八年宋景公立九年悼公朝於宋
宋囚之曹立其弟野是為聲公悼公死於宋歸葬聲公
五年平公弟通弑聲公代立是為隱公索隱譙周云春秋無其事今檢

系本及春秋悼伯卒弟露立謚靖公實無聲公隱公蓋是彼文自疎也

隱公四年聲公弟

露弑隱公代立是為靖公靖公四年卒子伯陽立伯陽

三年國人有夢衆君子立于社宮

集解賈逵曰社宮社也鄭衆曰社宮中有

室屋

謀欲亡曹曹叔振鐸止之請待公孫彊許之旦求

之曹無此人夢者戒其子曰我亡爾聞公孫彊為政必

去曹無離曹禍

索隱離即罹被也

及伯陽即位好田弋之事六

年曹野人公孫彊亦好田弋獲白鷹而獻之且言田弋

之說因訪政事伯陽大說之有寵使為司城以聽政夢

者之子乃亡去公孫彊言霸說於曹伯十四年曹伯從之乃背晉干宋集解賈逵曰以小加大索隱干謂犯也言曹因棄晉而犯宋遂至滅也裴氏引賈逵註云以小加大者加陵也小即曹大謂晉及宋也宋景公伐之晉人不救十五年宋滅曹執曹伯陽及公孫彊以歸而殺之曹遂絕其祀

太史公曰索隱檢諸本或無此論余尋曹共公之不用僖負羈乃乘軒者三百人正義晉世家云晉師入曹數之以其不用僖負羈言而美女乘軒三百人也

公孫彊不脩厥政叔鐸之祀忽諸

正義至如公孫彊不脩霸道之政而伯陽

之子立叔鐸猶尚饗祭祀豈合忽絕之哉

索隱述贊曰武王之弟管蔡及霍周公居相流言是作狼跋致艱鴟鴞討惡胡能改行克復其爵獻舞執楚遇息禮薄穆侯虜齊蕩舟乖謔曹共輕晉負羈先覺伯陽夢社祚傾振鐸

史記卷三十五

史記卷三十五考證

管蔡世家其長子曰伯邑考次曰武王發次曰管叔鮮
次曰周公旦次曰蔡叔度次曰曹叔振鐸次曰成叔
武次曰霍叔處次曰康叔封次曰冉季載 ○ 臣照按

十子長次各書不同毛詩疏曰左傳云周公為太宰
康叔為司寇聃季為司空通武王伯邑考為五人又
曰五叔無官則其餘五者皆字叔又曰曹為伯甸非
尚年也則曹叔振鐸是康叔聃季之兄夫管蔡霍為

三監蔡與衛爭長明其皆母弟也鄭于富辰之言當
在蔡霍之間五叔者曹管蔡鄭霍曹應在管之上皇
甫謐則曰文王娶太姒生伯邑考武王發次管叔鮮
次蔡叔度次鄭叔武次霍叔處次周公旦次曹叔振
鐸次康叔封次聃季載其名與史記同其次亦異左
傳疏曰富辰言文之昭十六國蔡在魯上明以長幼
為次賈逵等皆言蔡叔周公兄馬遷之言多辟繆云
今亦莫定孰是姑列其同異如此

餘五叔皆就國索隱五叔管叔蔡叔成叔曹叔霍叔○
左傳杜預注云五叔管叔鮮蔡叔度成叔武霍叔處
毛叔聃也孔穎達疏云史記云聃季載杜云毛叔聃
又不數叔振鐸者杜以振鐸非周公同母故不數之
或杜別有所見不以管蔡世家為說

子宣侯措父立○春秋作考父

悼侯父曰隱太子友隱太子友者靈侯之太子○監本
少隱太子友四字今添

衛使史鯇言康叔之功德○左傳作祝鮀此作史鯇
隱公四十六年宋華父督弑其君殇公及孔父○年表
作四十七年

史記卷三十五考證

謹案卷三十三第八頁後八行凡蔣邢茅胙祭也
列本凡訛樊據左傳改

第十六頁後六行季氏亡列本氏訛文今改

第二十四頁後四行十年伐齊南邊列本伐訛代

今改

第二十六頁前六行楚伐我取徐州列本徐訛徐
據索隱改

卷三十四第一頁後三行宣王時召穆公虎列本

穆訛康今改

第四頁前五行六行宋忠據此史補系家案系家當作系本

第五頁前二行王劭案紀年刊本訛邵今改

卷三十五第二頁後一行二行後漢地理志以為
鄭本國案地理志當作郡國志

第二頁後二行地理志云廩丘縣南有成故城案
漢書地理志無此文

第三頁後一行集解宋曰案宋下疑脫忠字

卷之二

一



總校官庶吉士臣侍朝

校對官檢討臣郭寅

謄錄監生臣許祖懷

欽定四庫全書

卷三十六

史記卷三十六至

八

九

十

十一

十二

十三

十四

十五

十六

十七

十八

十九

二十

二十一

二十二

二十三

二十四

二十五

二十六

二十七

二十八

二十九

三十

三十一

三十二

三十三

三十四

三十五

三十六

三十七

三十八

三十九

四十

四十一

四十二

四十三

四十四

四十五

四十六

四十七

四十八

四十九

五十

五十一

五十二

五十三

五十四

五十五

五十六

五十七

五十八

五十九

六十

六十一

六十二

六十三

六十四

六十五

六十六

六十七

六十八

六十九

七十

七十一

七十二

七十三

七十四

七十五

七十六

七十七

七十八

七十九

八十

八十一

八十二

八十三

八十四

八十五

八十六

八十七

八十八

八十九

九十

九十一

九十二

九十三

九十四

九十五

九十六

九十七

九十八

九十九

一百

一百一

一百二

一百三

一百四

一百五

一百六

一百七

一百八

一百九

一百十

一百十一

一百十二

一百十三

一百十四

一百十五

一百十六

一百十七

一百十八

一百十九

一百二十

一百二十一

一百二十二

一百二十三

一百二十四

一百二十五

一百二十六

一百二十七

一百二十八

一百二十九

一百三十

一百三十一

一百三十二

一百三十三

一百三十四

一百三十五

一百三十六

一百三十七

一百三十八

一百三十九

一百四十

一百四十一

一百四十二

一百四十三

一百四十四

一百四十五

一百四十六

一百四十七

一百四十八

一百四十九

一百五十

一百五十一

一百五十二

一百五十三

一百五十四

一百五十五

一百五十六

一百五十七

一百五十八

一百五十九

一百六十

一百六十一

一百六十二

一百六十三

一百六十四

一百六十五

一百六十六

一百六十七

一百六十八

一百六十九

一百七十

一百七十一

一百七十二

一百七十三

一百七十四

一百七十五

一百七十六

一百七十七

一百七十八

一百七十九

一百八十

一百八十一

一百八十二

一百八十三

一百八十四

一百八十五

一百八十六

一百八十七

一百八十八

一百八十九

一百九十

一百九十一

一百九十二

一百九十三

一百九十四

一百九十五

一百九十六

一百九十七

一百九十八

一百九十九

二百

二百一

二百二

二百三

二百四

二百五

二百六

二百七

二百八

二百九

二百十

二百十一

二百十二

二百十三

二百十四

二百十五

二百十六

二百十七

二百十八

二百十九

二百二十

二百二十一

二百二十二

二百二十三

二百二十四

二百二十五

二百二十六

二百二十七

二百二十八

二百二十九

二百三十

二百三十一

二百三十二

二百三十三

二百三十四

二百三十五

二百三十六

二百三十七

二百三十八

二百三十九

二百四十

二百四十一

二百四十二

二百四十三

二百四十四

二百四十五

二百四十六

二百四十七

二百四十八

二百四十九

二百五十

二百五十一

二百五十二

二百五十三

二百五十四

二百五十五

二百五十六

二百五十七

二百五十八

二百五十九

二百六十

二百六十一

二百六十二

二百六十三

二百六十四

二百六十五

二百六十六

二百六十七

二百六十八

二百六十九

二百七十

二百七十一

二百七十二

二百七十三

二百七十四

二百七十五

二百七十六

二百七十七

二百七十八

二百七十九

二百八十

二百八十一

二百八十二

二百八十三

二百八十四

二百八十五

二百八十六

二百八十七

二百八十八

二百八十九

二百九十

二百九十一

二百九十二

二百九十三

二百九十四

二百九十五

二百九十六

二百九十七

二百九十八

二百九十九

三百

三百一

三百二

三百三

三百四

三百五

三百六

三百七

三百八

三百九

三百十

三百十一

三百十二

三百十三

三百十四

三百十五

三百十六

三百十七

三百十八

三百十九

三百二十

三百二十一

三百二十二

三百二十三

三百二十四

三百二十五

三百二十六

三百二十七

三百二十八

三百二十九

三百三十

三百三十一

三百三十二

三百三十三

三百三十四

三百三十五

欽定四庫全書
舊要卷三千六百十四

史記卷三十六

漢 太 史 令司馬遷 撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

陳杞世家第六

陳胡公滿者虞帝舜之後也昔舜為庶人時堯妻之二

女居于媯汭其後因為氏姓姓媯氏舜已崩傳禹天下

而舜子商均為封國

索隱按商均所封虞即今之梁國虞城是也

夏后之時

或失或續虞思虞遂是也

至于周武王克殷紂乃復

求舜後

索隱按左傳虞遏父為周陶正以服事武王得杜注遏父舜之後陶正官名是生滿者也

得

媯滿封之於陳

索隱左傳曰武王以元女太姬配虞胡公而封之陳以備三恪

以奉帝

舜祀是為胡公胡公卒子申公犀侯立申公卒弟相公

阜羊立相公卒立申公子突是為孝公孝公卒子慎公

圉戎立慎公當周厲王時慎公卒子幽公寧立幽公十

二年周厲王奔于彘。二十三年幽公卒。子釐公孝立。釐
公六年周宣王即位。三十六年釐公卒。子武公靈立。武
公十五年卒。子夷公說立。是歲周幽王即位。夷公三年
卒。弟平公燮立。正義燮
先牒反平公七年周幽王為犬戎所殺。

周東徙。秦始列為諸侯。二十三年平公卒。子文公圉立。

文公元年取蔡女生子佗

正義徒
何反

十年文公卒。長子桓

公鮑立。桓公二十三年魯隱公初立。二十六年衛殺其君州吁。三十三年魯弑其君隱公。三十八年正月甲戌。

己丑陳桓公鮑卒

索隱陳亂故再赴其日正義甲戌己丑凡十六日

桓公弟佗

其母蔡女故蔡人為佗殺五父及桓公太子免而立佗

集解譙周曰春秋傳謂佗即五父世家與傳違索隱譙周云世家與春秋傳違者按左傳桓公五年文公子佗殺桓公太子免而代立經六年蔡人殺陳佗立桓公子躍為厲公而左傳以厲公名躍佗立未踰年故無謚又莊二十二年傳云陳厲公蔡出也故蔡人殺五父而立之則佗與五父俱為蔡人所殺其事不異是一人明矣史記既以佗為厲公遂以躍為利公尋厲利聲相近遂誤以佗為厲公五父為別人是太史公錯耳而班固又以厲公為桓公弟又誤也

是為厲公桓公病而亂作國人分散故再

赴公躍者桓公之弟也

厲公二年生子敬仲完周太

集解徐廣曰班氏云厲

史過陳陳厲公使以周易筮之卦得觀之否

集解賈逵曰坤下巽

上觀坤下乾上否觀文在六四變而之否

杜預集解

是為觀國之光利用賓于王

杜預集解

皆有變象又有互體聖人隨其義而論之

此其代陳

有國乎不在此其在異國

正義六四變內卦為中國外卦為異國

非此其

身在其子孫

正義內卦為身外卦為子孫變在外故知在子孫也

若在異國必姜

姓

正義六四變此文是辛未觀上體巽未為羊

巽為女女乘羊故為姜姜齊姓故知在齊

姜姓太

嶽之後

集解杜預曰姜姓之先為堯四嶽也

物莫能兩大陳衰此其昌乎

正義周敬王四十一年楚惠王殺陳湣公齊簡公周敬王三十九年被田常殺之

厲公取蔡女

蔡女與蔡人亂厲公數如蔡淫七年厲公所殺桓公太子免之三弟長曰躍中曰林少曰杵臼共令蔡人誘厲公以好女與蔡人共殺厲公集解駟案公羊傳曰注于蔡蔡人殺之而立

躍是為利公利公者桓公子也利公立五月卒立中弟

林是為莊公莊公七年卒少弟杵臼立是為宣公宣公

三年楚武王卒楚始彊十七年周惠王取陳女為后二

十一年宣公後有嬖姬生子款欲立之乃殺其太子禦

寇禦寇素愛厲公子完完懼禍及已乃奔齊齊桓公欲

使陳完為卿完曰羈旅之臣

集解賈逵曰
羈寄旅客也

幸得免負擔

君之惠也不敢當高位桓公使為工正

正義周禮云冬
官為考工主眾

械

齊懿仲欲妻陳敬仲卜之占曰是謂鳳皇于飛和鳴

鏘鏘

集解杜預曰雄曰鳳雌曰皇
和而鳴鏘鏘然也

俱飛相
敬仲夫妻有聲譽

有媯之

後將育于姜

集解杜預曰
陳姓齊姜姓

五世其昌並于正卿

集解
服虔曰
虞

曰言完後五

集解
世與卿並列

八世之後莫之與京

集解
正義

按陳敬仲八代
孫田常之子襄子磐也而杜以常為八代者以桓子無

字生武子開與釐子乞皆相繼事齊故以常為八代

三十七年齊桓公伐蔡蔡敗南侵楚至召陵還過陳陳

大夫轘壽塗惡其過陳許齊令出東道東道惡桓公怒執陳轘壽塗是歲晉獻公殺其太子申生四十五年宣公卒子款立是為穆公穆公五年齊桓公卒十六年晉文公敗楚師于城濮是歲穆公卒子共公朔立共公六年楚太子商臣弑其父成王代立是為穆王十一年秦穆公卒十八年共公卒子靈公平國立靈公元年楚莊王即位六年楚伐陳十年陳及楚平十四年靈公與其大夫孔寧儀行父皆通於夏姬正義列女傳云陳女夏姬者陳大夫夏徵舒之

母御叔之妻也三為王后七為夫人公侯爭之莫不迷惑失意杜預云夏姬鄭穆公女陳大夫御叔之妻左傳云殺御叔弑靈侯戮夏南出孔儀喪陳國東其衣以戲於朝集解駟案左傳梁傳曰或衣其衣或中其襦集解駟案左傳曰東其袒服殺泄治諫曰君臣淫亂民何效焉靈公以

告二子二子請殺泄治公弗禁遂殺泄治

集解駟案春秋陳殺其大

夫泄十五年靈公與二子飲於夏氏公戲二子曰徵舒

似汝二子曰亦似公

集解杜預曰靈公即位十五年徵舒已為卿年大無嫌是公子也蓋

以夏姬淫放故謂其子多似以為戲

徵舒怒靈公罷酒出徵舒伏弩廡門

射殺靈公

集解駟案左傳曰公出自其廡

孔寧儀行父皆奔楚靈公太

子牛奔晉徵舒自立為陳侯徵舒故陳大夫也夏姬御叔之妻舒之母也成公元年冬楚莊王為夏徵舒殺靈公率諸侯伐陳謂陳曰無驚吾誅徵舒而已已誅徵舒因縣陳而有之羣臣畢賀申叔時使於齊來還獨不賀集解賈逵曰叔時楚大夫莊王問其故對曰鄙語有之牽牛徑人田主奪之牛徑則有罪矣奪之牛不亦甚乎今王以徵舒為賊弑君故徵兵諸侯以義伐之已而取之以利其地則後何以令於天下是以不賀莊王曰善乃迎陳靈

公太子午於晉而立之復君陳如故是為成公孔子讀史記至楚復陳曰賢哉楚莊王輕千乘之國而重一言

索隱謂申叔時之語正義家語云孔子讀史記至楚復陳喟然曰賢哉楚莊王輕千乘之國而重一言之信非申叔時之忠弗能建其義非楚莊王之賢不能受其訓也

二十八年楚莊王卒二十

九年陳倍楚盟三十年楚共王伐陳是歲成公卒子哀公弱立楚以陳喪罷兵去哀公三年楚圍陳復釋之二十八年楚公子圍弑其君郏敖自立為靈王三十四年初哀公娶鄭長姬生悼太子師少姬生偃

索隱昭八年云陳侯之

弟招殺陳世子偃師左傳曰陳哀公元妃鄭姬生悼太子偃師今此云兩姬又分偃師為二人亦恐此非二

二

嬖妾長妾生留少妾生勝留有寵哀公哀公屬之其弟

司徒招哀公病三月招殺悼太子立留為太子哀公怒

欲誅招招發兵圍守哀公哀公自經殺

集解徐廣曰招三十五年時

卒立留為陳君四月陳使使赴楚楚靈王聞陳亂乃殺

陳使者

索隱即司徒招又一名若

使公子弃疾發兵伐陳陳君留奔

鄭九月楚圍陳十一月滅陳使弃疾為陳公招之殺悼

太子也太子之子名吳出奔晉晉平公問太史趙曰陳

遂亡乎對曰陳顓頊之族

集解服虔曰陳祖虞舜舜

陳

氏得政於齊乃卒亡

集解賈逵曰幕舜後虞思也至于瞽瞍無間違天命物莫能兩盛

自幕至于瞽瞍無違

命

集解賈逵曰幕舜後虞思也至于瞽瞍無間違天命以廢絕者鄭衆曰幕舜之先也騶案國語賈義為長

索隱賈逵以幕為虞思非也傳言自幕而至瞽瞍知幕在瞽瞍之前非虞思明矣

舜重之以明

德至於遂

集解杜預曰遂舜後蓋殷之興存舜之後而封遂言舜德乃至於遂也索隱重音持用反

杜預以謂舜有明德乃至遂有國義亦然也且文云自幕至瞽瞍無違命舜重之以明德是言舜有明德為天子也乃云殷封遂代守之亦舜德也宋忠云虞思之後箕伯直柄中衰殷湯封遂於陳以為舜後是也

世

世守之及胡公周賜之姓

集解杜預曰胡公嵩遂之後也事周武王賜姓曰媯封之

陳使祀虞帝且盛德之後必百世祀虞之世未也其在齊乎楚靈王滅陳五歲楚公子弃疾弑靈王代立是為平王平王初立欲得和諸侯乃求故陳悼太子師之子吳立為陳侯是為惠公惠公立探續哀公卒時年而為元空籍五歲矣索隱惠公探取哀公死楚陳滅之後為元年故今空經年籍五歲矣一云籍借也為借失國之後年為五年七年陳火十五年吳王僚使公子光伐陳取胡沈而去索隱系本云胡歸姓沈姬姓沈國在汝南平與胡亦在汝南二十八年吳王闔閭與子胥敗楚入郢是年惠公卒子懷公柳

立懷公元年吳破楚在郢召陳侯陳侯欲往大夫曰吳

新得意楚王雖亡與陳有故不可倍懷公乃以疾謝吳

四年吳復召懷公懷公恐如吳吳怒其前不往留之因

卒吳陳乃立懷公之子越是為晉公

索隱按左傳晉公名周是史官記不

同也晉公六年孔子適陳吳王夫差伐陳取三邑而去十

三年吳復來伐陳陳告急楚昭王來救軍於城父吳

師去是年楚昭王卒於城父時孔子在陳

索隱按孔子以魯定公十

四年適陳當晉公之六年上文說是此十三年孔子仍在陳凡經八年何其久也

十五年宋滅

曹十六年吳王夫差伐齊敗之艾陵使人召陳侯陳侯恐如吳楚伐陳二十一年齊田常弑其君簡公二十三年楚之白公勝殺令尹子西子綦襲惠王葉公攻敗白公白公自殺二十四年楚惠王復國以兵北伐殺陳湣公遂滅陳而有之是歲孔子卒

杞東樓公者夏后禹之後苗裔也

索隱杞國名也東樓公謚號也不名者並

史先失耳宋忠曰杞今陳留雍邱縣故地理志云雍丘縣故杞國周武王封禹後為東樓公是也蓋周封杞而居雍邱至春秋時杞已遷東國故左氏隱四年傳云莒人伐杞取年妻者東邑也僖十四年傳云杞遷緣

陵地理志北海有營陵淳于公之縣臣瓊云即春秋緣
陵淳于公所都之邑又州國名杞後改國號曰州而稱
淳于公故春秋桓五年經云州公如曹傳曰淳于公如
曹是也然杞後代又稱子者以微小又僻居東夷故襄
二十九年經稱杞子來盟傳曰書曰子貶之也殷時或封或絕周武王克殷紂

求禹之後得東樓公封之於杞

集解宋忠曰杞今以奉陳留雍邱縣也

夏后氏祀東樓公生西樓公生題公題公生謀

娶公

集解徐廣曰謀一作謨索隱娶子臾反

謀娶公當周厲王時謀娶公

生武公武公立四十七年卒子靖公立靖公二十三年

卒子共公立共公八年卒子德公立

集解徐廣曰世本惠公索隱系本

譙周並作惠公又云惠公生成公及桓公是此系家脫成公一代下云弟桓公姑容立非也且成公又見春秋經傳故左氏莊二十五年云杞成公娶魯女有婚姻之好至僖二十二年卒始赴而書左傳云成公也未同盟故不書名是杞有成公必當如譙周所說也

德公十八年卒弟桓公姑容立

集解徐廣曰世本曰惠公立十八年生成公及桓公成立十八年桓公立十七年

桓公十七年

卒子孝公匄立

索隱匄音蓋

孝公十七年卒弟文公益姑立

文公十四年卒弟平公鬱立

索隱一作郁釐譙周云名鬱來蓋鬱釐來聲相近

遂不平公十八年卒子悼公成立悼公十二年卒子隐同也

公乞立七月隱公弟遂弑隱公自立是為釐公釐公十

九年卒子湣公維立湣公十五年楚惠王滅陳十六年

湣公弟閼路弑湣公代立是為哀公

索隱關音遏哀公殺兄湣公而立謚

哀謚誰周云懿也哀公立十年卒湣公子軟立

集解徐廣曰軟一作速

是

為出公出公十二年卒子簡公春立立一年楚惠王之

四十四年滅杞杞後陳亡三十四年杞小微其事不足

稱述舜之後周武王封之陳至楚惠王滅之有世家言

禹之後周武王封之杞楚惠王滅之有世家言契之後

為殷殷有本紀言殷破周封其後於宋齊湣王滅之有

世家言后稷之後為周秦昭王滅之有本紀言臯陶之

後或封英六

索隱本或作蓼六皆通然蓼六皆咎繇之後據系本二國皆偃姓故春秋文五年傳

云楚人滅六臧文仲聞六與蓼滅曰臯陶庭堅不祀忽諸杜預云蓼與六皆咎繇後地理志云六安故國臯陶

後偃姓為楚所滅又僖十七年齊人徐人伐英氏杜預曰英六皆臯陶後國名是有英蓼英六實未能詳或者英改號蓼

楚穆王滅之無譜伯夷之後至周武王復封於齊

曰太公望陳氏滅之有世家言伯翳之後至周平王時

封為秦項羽滅之有本紀言

索隱秦祖伯翳解者以翳益則為一人今言十一人

叙伯翳而又別言垂益則是二人也且按舜本紀叙十人無翳而有彭祖彭祖亦墳典不載未知太史公意如

何恐多是誤然據秦本紀叙鬻之功云佐舜馴調鳥獸與舜典命益作虞若予上下草木鳥獸文同則為一人必矣今未垂益夔龍其後不知所封不見也右十一人詳之所以垂益夔龍者皆唐虞之際名有功德臣也其五人之後皆至帝王索隱舜禹身為帝王其稷契及嗣則後代皆為帝王也

殷周之間封也小不足齒列弗論也

餘乃為顯諸侯滕薛騶夏

蓋軒轅氏之子有

滕姓是其祖也後周封文王子錯叔繡於滕故宋忠云今沛國公丘是滕國也薛奚仲之後仕姓蓋夏殷所封故春秋有滕侯薛侯邾曹姓之國陸終氏之子會入之後邾國今魯國騶縣是也然三國微小春秋時亦預會盟蓋史缺無可叙列也又許太叔太岳之亂二邾曹姓之君並通好諸侯同盟大國不宜全沒其事亦可叙其

本末補許
邾世家

周武王時侯伯尚千餘人及幽厲之後諸侯

力攻相并江黃胡沈之屬不可勝數

索隱系本江黃二國並嬴姓又地理

志江國在汝南安陽縣

故弗采著于傳上

太史公曰舜之德可謂至矣禪位於夏而後世血食者歷三代及楚滅陳而田常得政於齊卒為建國百世不絕苗裔茲茲有土者不乏焉至禹於周則杞微甚不足數也楚惠王滅杞其後越王勾踐興

索隱述贊曰盛德之祀必及百世舜禹餘烈陳杞是繼姬滿受封東樓慕世閼路慕逆夏姬淫嬖二國衰

微武淪或替前并後虜皆亡楚惠勾踐
勃興田和吞噬蟬聯血食豈其苗裔

史記卷三十六

史記卷三十六考證

陳杞世家其後因為氏姓姓媯氏。

臣照

按左傳疏曰

世本帝舜姚姓又哀元年傳稱虞思妻少康以二姚

則是自舜以下猶姓姚也昭八年傳曰胡公不淫故

周賜之姓是胡公之裔乃姓媯史記則以為胡公之

前已姓媯與左傳異

釐公六年周宣王即位。○年表在釐公五年

二十八年楚莊王卒。○年表陳成公八年楚莊王薨

十六年吳王夫差伐齊敗之艾陵。左傳及年表俱在陳湣公之八年。

二十四年楚惠王復國以兵北伐殺陳湣公遂滅陳而有之是歲孔子卒。年表陳亡于湣公二十三年孔子亦卒於是年此作二十四年與左傳合與孔子之卒差一年。

以奉夏后氏祀。祀監本訛作祀今改正。

膝薛驄夏殷周之間封也索隱周封文王子錯叔繡於

滕。世本及杜預世族譜皆云周文王子錯叔繡唯漢地理志以為周懿王子

故弗采著於傳上。臣照按上當是云字之訛各本皆

同故弗改

卷三十六 考證

史記卷三十六 考證

欽定四庫全書

史記卷三千六百十五

史部

史記卷三十七

漢太史令司馬遷撰

宋中郎外兵曹參軍裴駘集解

唐國子博士弘文館學士司馬貞索隱

唐諸王侍讀率府長史張守節正義

衛康叔世家第七

衛康叔名封周武王同母少弟也

索隱康畿內國名宋忠曰康叔從康徙封

衛衛即殷墟定昌之地
畿內之康不知所在也其次尚有冉季冉季最少武王

已克殷紂復以殷餘民封紂子武庚祿父比諸侯以奉其先祀勿絕為武庚未集索隱集和也恐其有賊心武王乃

令其弟管叔蔡叔傅相武庚祿父以和其民武王既崩成王少周公旦代成王治當國管叔蔡叔疑周公乃與

武庚祿父作亂欲攻成周索隱成周洛陽其時周公相成王營洛邑猶居西周鎬京

管蔡欲構難先攻成周於是周公東居洛邑伐管蔡

周公旦以成王命興師伐殷

殺武庚祿父管叔放蔡叔以武庚殷餘民封康叔為衛

君居河淇間故商墟

索隱宋忠云今定昌也

周公旦懼康叔齒少

乃申告康叔曰必求殷之賢人君子長者問其先殷所

以興所以亡而務愛民告以紂所以亡者以淫於酒酒

之失婦人是用故紂之亂自此始為梓材

正義若梓人為材君子觀

為法則也梓匠人也示君子可法則故謂之康誥酒誥梓材以命

之康叔之國既以此命能和集其民民大說成王長用

事舉康叔為周司寇賜衛寶祭器以章有德

集解駟案左傳曰分

康叔以大路大旛少帛綉旛旛旌旛大呂賈逵曰大路金路也少帛雜帛也綉旛大赤也通帛為旛析羽為旛大

呂鍾名鄭衆曰
緒蔑號名也

康叔卒子康伯代立

索隱系本曰康伯名髡宋忠曰即王

孫年也事周康王為大夫按左傳所稱王孫年父是也
年髡聲相近故不同爾謹周古史考無康伯而云子年
伯立蓋以不宜父子俱謚康故因其名云年伯也

康伯卒子孝伯立孝伯卒子

嗣伯立嗣伯卒子康伯立

集解駟案史記音義曰音捷索隱系本作擊伯康伯

卒子靖伯立靖伯卒子貞伯立

索隱系本作箕伯

貞伯卒子頃

侯立頃侯厚賂周夷王夷王命衛為侯

索隱康誥稱命爾侯才東土又

云孟侯朕其弟小子封則康叔初封已為侯也比子康
伯即稱伯者謂方伯之伯耳非至子即降爵為伯也故
孔安國曰孟長也五侯之長謂方伯方伯州牧也故五
代孫祖恒為方伯耳至頃侯德衰不監諸侯乃從本爵

而稱侯非是至子而削爵及項侯賂夷王而稱侯也

項侯立十二年卒子釐侯立

釐侯十三年周厲王出奔于彘共和行政焉二十八年

周宣王立四十二年釐侯卒太子共伯餘立為君共伯

弟和有寵於釐侯多予之賂和以其賂賂士以襲攻共

伯於墓上共伯入釐侯羨自殺

索隱羨音延延墓道又
音以戰反恭伯名餘也

衛人因葬之釐侯旁謚曰共伯而立和為衛侯是為武

公

索隱和殺恭伯代立此說非也按季札美康叔武公
之德又國語稱武公年九十五矣猶歲誠於國恭恪

于朝作抑自微至於沒身謂之獻聖又詩著衛世子恭
伯早卒不云被殺若武公殺兄而代立豈可以為訓而

形之于國史乎蓋太史公採雜說而為此記耳武公即位修康叔之政百姓和

集四十二年犬戎殺周幽王武公將兵往佐周平戎甚

有功周平王命武公為公五十五年卒子莊公楊立莊

公五年取齊女為夫人好而無子又取陳女為夫人生

子蚤死陳女弟亦幸於莊公而生子完

索隱女弟戴媯也子完為

州吁所殺戴媯歸陳詩燕燕于堦是也

完母死莊公令夫人齊女子之立

為太子

索隱子之謂養之為子也齊女即莊姜也詩碩人篇問之是也

莊公有寵妾生

子州吁十八年州吁長好兵莊公使將石碏諫莊公解

賈逵曰石

碏衛上卿

曰庶子好兵使將亂自此起不聽二十三年

莊公卒太子完立是為桓公桓公二年弟州吁驕奢桓
公絀之州吁出奔十三年鄭伯弟段攻其兄不勝亡而
州吁求與之友十六年州吁收聚衛亡人以襲殺桓公
州吁自立為衛君為鄭伯弟段欲伐鄭請宋陳蔡與俱
三國皆許州吁州吁新立好兵弑桓公衛人皆不愛石
碏乃因桓公母家於陳詳為善州吁至鄭郊石碏與陳
侯共謀使右宰醜進食因殺州吁于濮

集解服虔曰右
宰醜衛大夫濮

陳地索隱賈逵云濮陳地按濮水首受河又受汴汴亦受河東北至離孤分為二俱東北至鉅野入濟則濮在曹衛之間賈言陳地非也若據地理志陳留縣濮水受沛當言陳留水也而迎桓公弟晉於邢而立之集解賈逵曰邢周公之隋姬姓國

是為宣公宣公七年魯

弑其君隱公九年宋督弑其君殤公及孔父十年晉曲沃莊伯弑其君哀侯十八年初宣公愛夫人夷姜夷姜生子伋以為太子而令右公子傅之右公子為太子取齊女未入室而宣公見所欲為太子婦者好說而自取之更為太子取他女宣公得齊女生子壽子朔令左公

子傳之

集解杜預曰左右臤之子因以為號

太子伋母死宣公正夫人與

朔共讒惡太子伋宣公自以其奪太子妻也心惡太子

欲廢之及聞其惡大怒乃使太子伋於齊而令盜遮界

上殺之

正義左傳云衛宣公使太子伋之齊使盜待諸葬將殺之

杜預曰葬衛地

與太子白

旄而告界盜見持白旄者殺之且行子朔之兄壽太子

異母弟也知朔之惡太子而君欲殺之乃謂太子曰界

盜見太子白旄即殺太子太子可母行太子曰逆父命

求生不可遂行壽見太子不止乃益其白旄而先馳至

界界盜見其驗即殺之壽已死而太子伋又至謂盜曰
所當殺乃我也也盜并殺太子伋以報宣公宣公乃以子
朔為太子十九年宣公卒太子朔立是為惠公左右公
子不平朔之立也惠公四年左右公子怨惠公之讒殺
前太子伋而代立乃作亂攻惠公立太子伋之弟黔牟
為君惠公奔齊衛君黔牟立八年齊襄公率諸侯奉王
命共伐衛納惠公誅左右公子衛君黔牟奔于周惠公
復立惠公立三年出亡八年復入與前通年凡十三

年矣二十五年惠公怨周之容舍累年與燕伐周周惠

王奔溫衛燕立惠王弟穎為王二十九年鄭復納惠王

三十一年惠公卒子懿公赤立懿公即位好鶴

正義括地志云

故鶴城在滑州匡城縣西南十五里左傳云衛懿公好

鶴有乘軒者狄伐衛公欲戰國人受甲者皆曰使鶴鶴

實有祿位余焉能戰俗傳懿公養鶴於此城因名也

淫樂奢侈九年翟伐衛衛懿

公欲發兵兵或畔大臣言曰君好鶴鶴可令擊翟翟於

是遂入殺懿公懿公之立也百姓大臣皆不服自懿公

父惠公崩之讒殺太子伋代立至於懿公常欲敗之卒

誠惠公之後而更立黔年之弟昭伯頑之子申為君是

為戴公戴公申元年卒齊桓公以衛數亂乃率諸侯伐

翟為衛築楚丘

正義括地志云城武縣有楚丘亭

立戴公弟燬為衛君

集解駟案賈誼書曰衛侯朝於周周行人問其名答曰

衛侯辟疆周行人還之曰啟疆辟疆

天子之號諸侯弗得用衛侯更其名曰燬

然後受之正義燬音毀

是為文公文公以亂故奔齊齊

人入之初翟殺懿公也衛人憐之思復立宣公前死太

子伋之後伋子又死而代伋死者子壽又無子太子伋

同母第二人其一曰黔牟黔牟嘗代惠公為君八年復

戴公戴公卒復立其弟燬為文公文公初立輕賦平罪
索隱輕賦稅平斷刑也平或作卒卒謂士卒也罪字連下讀蓋亦一家之義爾
身自勞與百姓同苦以收衛民十六年晉公子重耳過無禮十七年齊

桓公卒二十五年文公卒子成公鄭立成公三年晉欲

假道於衛救宋成公不許晉更從南河度

集解服虔曰南河濟南之

東南流河也杜預曰從汲郡南度出衛南

救宋微師於衛衛大夫欲許成公

不肯大夫元咺攻成公成公出奔

索隱奔楚正義咺犯遠反

晉文公

重耳伐衛分其地予宋討前過無禮及不救宋患也衛成公遂出犇陳索隱左傳衛侯聞楚師敗懼出奔楚遂適陳也二歲如周求入與晉文公會晉使人鳩衛成公成公私於周主鳩令薄得不死索隱按私謂賂之也已而周為請晉文公卒入之衛而誅元咺衛君駁出犇索隱是元咺所立者成公入而殺之故僖三十年經云衛殺其大夫元咺及公子駁此言奔非也七年晉文公卒十二年成公朝晉襄公十四年秦穆公卒二十六年齊邴歎弑其君懿公索隱邴歎與左氏同而齊系家作邴戎者蓋邴歎掌御戎車故號邴戎邴音丙歎亦作邴三十五年成公卒

集解駟案世本曰成公徙濮陽宋忠曰濮陽帝丘地名

子穆公邀立

正義邀穆公音速

穆公

二年楚莊王伐陳殺夏徵舒三年楚莊王圍鄭鄭降復釋之十一年孫良夫救魯伐齊復得侵地穆公卒子定

公臧立定公十二年卒子獻公衍立獻公十三年公令

師曹教宮妾鼓琴

集解賈逵曰師曹樂人

妾不善曹笞之妾以辛

惡曹於公公亦笞曹三百十八年獻公戒孫文子寢惠

子食皆往日旰不召

集解服虔曰孫文子林父也寢惠子寢殖也敕戒二子欲共晏食皆

服朝衣待命叶晏也

而去射鴻於囿二子從之

集解服虔曰從公於圃

公不

釋射服與之言

集解駟案左傳不釋皮冠

二子怒如宿

集解服虔

邑也索隱左傳作戚此亦音戚

孫文子子數侍公飲

集解駟案左傳文子子即孫蒯也

使師曹歌巧言之卒章

集解杜預曰巧言詩小雅也其卒章曰彼何人斯居河之麋無

奉無勇職為亂階公欲以
嬖文子居河上而為亂

師曹又怒公之嘗笞三百乃

歌之欲以怒孫文子報衛獻公文子語蘧伯玉伯玉曰

臣不知也

集解賈逵曰伯玉衛大夫

遂攻出獻公獻公犇齊齊置衛

獻公於聚邑孫文子寢惠子共立定公弟秋為衛君是

為殤公

集解徐廣曰班氏云獻公弟秋

殤公秋立封孫文子林父於宿

十二年甯喜與孫林父爭寵相惡殲公使甯喜攻孫林父林父犇晉復求入故衛獻公獻公在齊齊景公聞之與衛獻公如晉求入晉為伐衛誘與盟衛殲公會晉平公平公執殲公與甯喜而復入衛獻公獻公亡在外十二年而入獻公後元年誅甯喜三年吳延陵季子使過衛見蘧伯玉史鮒曰衛多君子其國無故過宿孫林父為擊磬曰不樂音大悲使衛亂乃此矣是年獻公卒子襄公惡立襄公六年楚靈王會諸侯襄公稱病不往九

年襄公卒初襄公有賤妾幸之有身夢有人謂曰我康

叔也令若子必有衛名而子曰元妾怪之間孔成子

集解

服虔曰衛卿孔烝鉏成子曰康叔者衛祖也及生子男也以告襄

公襄公曰天所置也名之曰元襄公夫人無子於是乃

立元為嗣是為靈公靈公五年朝晉昭公六年楚公子

棄疾弑靈王自立為平王十一年火三十八年孔子來

祿之如魯後有隙孔子去後復來三十九年太子蒯聵

與靈公夫人南子有惡

集解賈逵曰南子宋女

欲殺南子蒯聵與

其徒戲陽邀謀朝使殺夫人

集解賈逵曰戲陽邀太子家臣正義戲音義

戲

陽後悔不果翦瞖數目之夫人覺之懼呼曰

正義呼火故反

太

子欲殺我靈公怒太子翦瞖葬宋已而之晉趙氏四十

二年春靈公遊于郊令子郢僕

集解賈逵曰僕御也

郢靈公少子

也字子南靈公怨太子出奔謂郢曰我將立若為後郢

對曰郢不足以辱社稷君更圖之

集解服虔曰郢自謂已無德不足以汗

稷
辱社

夏靈公卒夫人命子郢為太子曰此靈公命也郢

曰亡人太子崩曠之子輒在也不敢當於是衛乃以輒

為君是為出公六月乙酉趙簡子欲入蒯瞶乃令陽虎
詐命衛十餘人衰絰歸集解服虔曰衰絰為若從衛來迎太子也簡子送蒯
瞶衛人聞之發兵擊蒯瞶蒯瞶不得入宿而保衛人
亦罷兵出公輒四年齊田乞弑其君孺子八年齊鮑子
弑其君悼公孔子自陳入衛九年孔文子問兵於仲尼
仲尼不對其後魯迎仲尼仲尼反魯十二年初孔圉文
子取太子蒯瞶之姊生悝孔氏之豎渾良夫美好孔文
子卒良夫通於悝母太子在宿悝母使良夫於太子太

子與良夫言曰苟能入我國報子以乘軒免子三死母

所與

集解杜預曰軒大夫車也三死死罪三正義杜預云三罪紫衣袒裘帶劍也紫衣君服也熟故偏袒

不敬也衛侯求令名者與之食焉太子請使良夫良夫紫衣狐裘不釋劍而食太子使牽退數之罪而殺之

與之盟許以悝母為妻閏月良夫與太子入舍孔氏之

外圓

集解服虔云圓

昏二人蒙衣而乘

集解服虔曰二人謂良夫太子蒙衣為婦

人之服以巾蒙其頭而共乘也宦者羅御如孔氏孔氏之老樂甯問之

集解服虔曰家臣

稱姻妾以告

集解賈逵曰婿姻家妾也

遂入適伯

姬氏

集解服虔曰入孔氏家適伯姬所居

既食悝母杖戈而先

集解服虔曰先至孔

悝太子與五人介輿假從之

集解賈逵曰介被甲也

伯

姬劫悝於廁彊盟之遂劫以登臺

集解服虔曰於衛

樂

甯將飲酒炙未熟聞亂使告仲由

集解孔氏邑宰故告之

召護駕乘車

集解服虔曰召護衛大夫駕乘車不駕兵車也言無距父之意

行爵食炙

集解服虔曰召護衛大夫

召季路乃行爵食炙奉出公輒犇魯

集解服虔曰召護奉衛侯

仲由

將入遇子羔將出

集解賈逵曰子羔衛大夫召護奉衛侯

曰門已閉

矣子路曰吾始至矣

集解杜預曰且欲至門

子羔曰不及莫踐其

難

集解賈逵曰言家臣憂不及國不得踐履其難鄭衆曰是時輒已出不及事不當踐其難子羔言不及以

為季路 欲死國也

子路曰食焉不辟其難

服虔曰言食悝之祿欲救悝之難此明其

不死國也

子羔遂出子路入及門公孫敢闔門曰毋入為也

集解服虔曰公孫敢衛大夫言輒已出無為復入

子路曰是公孫也求利而逃

其難由不然利其祿必救其患有使者出子路乃得入

曰太子焉用孔悝雖殺之必或繼之

集解王肅曰必有繼續其後攻太子

且曰太子無勇若燔臺必舍孔叔太子聞之懼下石乞

孟麌敵子路

集解服虔曰二子蒯瞶之臣敵當也以正義燔音煩舍音捨麌音乙減反

以戈

擊之割纓子路曰君子死冠不免

集解服虔曰不使冠在地

結纓而

死正義 纓
冠綾也孔子聞衛亂曰嗟乎柴也其來乎由也其死

矣孔悝竟立太子蒯聵是為莊公莊公蒯聵者出公父

也居外怨大夫莫迎立元年即位欲盡誅大臣曰寡人

居外久矣子亦嘗聞之乎羣臣欲作亂乃止二年魯孔

丘卒三年莊公上城見戎州

集解 賈逵曰戎州戎人之邑索隱左傳云戎州人攻

之是也隱二年公會戎于潛杜預云陳留濟陽縣東南有戎城濟陽與衛近故莊公登臺而望見戎州又七年云戎伐凡伯于楚丘是戎與衛相近也

曰戎虜何為是戎州病之十月戎

州告趙簡子簡子圍衛十一月莊公出奔

索隱左傳莊公本由晉趙

民納之立而背晉晉伐衛衛人出莊公立公子般師晉
師退莊公復入般師出奔初公登城見戎州己氏之妻
髮羨髡之以為夫人髡又欲剪戎州兼逐石圃故石圃
攻莊公莊公懼踰北牆折股入己氏己氏殺之今系家
不言莊公復入及死己氏直云出奔亦其疎也又左傳
云衛復立般師齊伐衛立公子起執般師明年衛石圃
逐其君起起奔齊出公輒復歸是左氏詳而系家畧也

衛人立公子班師為衛君

集解駟案左傳曰齊伐衛虜班師更立公子起為衛君
班師襄公之孫靈公子

衛君起元年衛石曼專逐其君起索隱左傳作石

集解服虔曰此專音圃穀梁作曼姑諸本多無曼字
專或音姑起齊衛出公輒自齊復歸立初出公立十二年
亡在外四年復入出公後元年

賞從亡者立二十一年卒

索隱按出公初立十二年亡在外四年復入九年卒是立

二十二年自即位至卒凡經二十五年而卒于越

出公季父黔攻出公子而自

立是為悼公悼公五年卒

索隱紀年云四年卒于越系本名虔

子敬公弗

立

集解駟案世本云敬公費也

敬公十九年卒子昭公糾

索隱系本云敬

公生撓公舟非也是時三晉彊衛如小侯屬之

正義屬趙也

昭公六

年公子亹

正義音尾

弑之代立是為懷公懷公十一年公子

賴弑懷公而代立是為慎公慎公父公子適

索隱音的系本適作

虔虔悼公也

適父敬公也慎公四十二年卒子聲公訓立

索隱

訓亦作駢 同休 運

反系本作聖公馳 聲公十一年卒子成侯躇立

索隱音速系本

作不逝 按上穆公已名逝不可成侯更名則系本是也

成侯十一年公孫鞅入秦

索隱秦本紀云孝公元年鞅入秦又按年表成侯與秦孝公同年然則十一年當為元年字誤爾

十六

年衛更貶號曰侯二十九年成侯卒子平侯立平侯八年卒子嗣君立

索隱樂資據紀年以嗣君即孝襄侯嗣君五年更貶號曰

君獨有濮陽四十二年卒子懷君立懷君三十一年朝

魏魏因殺懷君魏更立嗣君弟是為元君元君為魏婿

故魏立之

集解徐廣曰班氏云元君者懷君之弟

元君十四年秦拔魏東

地秦初置東郡更徙衛野王縣而并濮陽為東郡

索隱都

大梁濮陽黎陽並是魏之東地故立郡名東郡也

二十五年元君卒子君角立

集解駟案年表云元君十一年秦置東郡十二年徙野王三十三年卒索隱年表與此不同徐註備矣

君

角九年秦并天下立為始皇帝二十一年二世廢君角

為庶人衛絕祀

太史公曰余讀世家言至於宣公之太子以婦見誅弟壽爭死以相讓此與晉太子申生不敢明驪姬之過同俱惡傷父之志然卒死亡何其悲也或父子相殺兄弟

相滅亦獨何哉

索隱述贊曰司寇受封梓材有作成錫厥器夷加其爵暨武能修從文始約詩美歸燕傳矜石碏皮冠射鵩乘軒使鶴宣縱淫嬖豐生伋朔刪睛得罪出公行進衛祚日衰失於君角

史記卷三十七

史記卷三十七 考證

衛康叔世家告以紂所以亡者以淫於酒酒之失婦人
是用故紂之亂自此始。王若虛辨惑曰酒誥之文
曷嘗有用婦人語

項侯厚賂周夷王夷王命衛為侯。顧炎武曰是項侯
以前之稱伯乃伯子男之伯也索隱以為方伯之伯
雖有詩序毛丘責衛伯之文可據鄭氏箋曰衛康叔
封爵稱侯今曰伯者時為州伯周禮九命作伯然非

太史公意也且古亦無以方伯之伯而繫謚者周公召公二伯也其謚則曰文公康公臣照按衛始封侯

見于書為方伯見于詩詩書並有文豈得復疑索隱謂史遷之誤是也顧炎武申龍門而難小司馬泥矣謂古無以方伯之伯而繫謚者安知其無耶何不即舉衛為有之驗耶

共伯入釐侯羨自殺。臣照按大事記曰武公在位十五年國語又稱武公年九十有五猶箴儆于國計

其初即位其齒益已四十餘矣使果弑共伯而篡立
則共伯見弑之時其齒又加長於武公安得謂之蚤
死乎髡者子事父母之飾諸侯既小歛則脫之史記
謂釐侯已葬而共伯自殺則是時共伯已脫髡矣詩
安得猶謂之髡彼兩髡乎是共伯未嘗有見弑之事
武公未嘗有篡弑之惡也

莊公五年取齊女為夫人好而無子又取陳女為夫人
生子蚤死陳女女弟亦幸於莊公而生子完完母死

○毛詩疏曰禮諸侯不再娶且莊姜仍在左傳唯言又娶于陳不言為夫人世家云又娶陳女為夫人非也左傳唯言戴嬪生桓公莊姜養之以為己子不言其死云完母死亦非也

太子完立是為桓公。左傳疏曰石碏言將立州吁乃定之矣請定州吁明太子之位未定衛世家言立完為太子非也

為鄭伯弟段欲伐鄭。

臣召南

按左傳及宋世家鄭內

公子馮州吁弑君自立欲免諸侯故為公子馮而伐鄭此云因州吁友于叔段為段伐鄭與彼異

十年晉曲沃莊伯弑其君哀侯。臣照按莊伯卒于哀

侯之二年是為衛宣之三年此莊伯二字明是武公之誤觀年表及晉世家自見

惠公立三年出亡。臣人龍按上文云四年此云三年

又按左傳魯桓公十六年冬惠公奔齊則四年是矣與前通年凡十三年矣。許應元曰左傳衛朔立四年

出亡八年復入通年十二此言十三年既與左傳不同又與上文年數不合

二十九年鄭復納惠王。左傳及年表俱在二十七年齊桓公以衛數亂乃率諸侯伐翟為衛築楚丘立戴公弟燬為衛君。臣照按左傳魯僖之二年諸侯城楚

丘事在衛文之二年年表亦同此叙在文公立前與彼互異

十六年晉公子重耳過無禮。左傳及年表俱在二十

三年

成公出奔索隱奔楚。

臣照

按左傳衛侯請盟晉人弗

許衛侯欲與楚國人不欲故出其君以說于晉衛侯

出於襄牛杜預曰襄牛衛地又下文索隱云楚師敗

懼乃出奔楚此索隱衍文

齊置衛獻公于聚邑。

臣世駿

按左傳齊人以邾寄衛

侯杜預曰邾齊所滅邾國音來此作聚互異

孫文子寃惠子共立定公弟秋為衛君。秋左傳作剽

孫林父為擊磬曰不樂音大悲使衛亂乃此矣。王若虛辨惑曰吳世家云季札自衛如晉將舍於宿聞鐘聲曰異哉吾聞之辨而不德必加于戮夫子獲罪于君以在此懼猶不足而又可以畔乎夫子之在此猶燕之巢于幕也君在殯而可以樂乎遂去之文子聞之終身不聽琴瑟衛世家云季子過宿孫文子為擊磬曰不樂音大悲使衛亂乃此矣一以為鐘一以為磬此未足深病然如前說則是文子自作樂而季子

適聞之也如後說則是文子為札而作也前說則罪其不自愧懼而安于娛樂後說則以音聲之悲而知其為亂之懲是何乖異而不同耶按前說本於左氏當是後說正有他據亦相矛盾而不應取也且左氏但言又何樂而史記改之云可以畔乎其義亦乖蓋獲罪于君即所謂畔也而何在于擊鐘耶司馬貞既知其非矣而曰畔字讀為樂亦強為之說也

元君十四年秦拔魏東地秦初置東郡更徙衛野王縣

而并濮陽為東郡。六國年表作十一年。

史記卷三十七考證

欽定四庫全書

史記卷三十六

史部

史記卷三十六

漢太史令司馬遷撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

宋微子世家第八

微子開者

集解孔安國曰微畿內國名子爵也為紂卿士索隱按尚書微子之命篇云命微子啟代

殷後今此名開者
避漢景帝諱也

殷帝乙之首子而紂之庶兄也

索隱按尚

書亦以為殷王元子而是紂之兄呂氏春秋云生微子時母猶為妾及為后而生紂故微子為紂同母庶兄

紂既立不明淫亂於政微子數諫紂不聽及祖伊以周

西伯昌之修德滅阤

集解徐廣曰阤音者索隱者即黎也鄒誕云本黎音黎孔安國云黎

在上黨東北阤國懼禍至以告紂紂曰我生不有命在即今之黎亭

天乎是何能為於是微子度紂終不可諫欲死之及去

未能自決乃問於太師少師

集解孔安國曰太師三公箕子也少師孤卿比干也

曰殷不有治政不治四方

集解孔安國曰言殷不有治政四方之事將必亡也我

祖遂陳於上

集解馬融曰我祖湯也孔安國曰言湯遂其功陳力於上世也紂沈湎於

酒婦人是用亂敗湯德於下

集解馬融曰下下世也

殷既小大好

草竊姦宄

集解孔安國曰草野盜竊又為姦宄於外內

卿士師師非度

集解馬融曰

已下轉相師效為非法度

皆有罪辜乃無維獲

集解鄭玄

曰獲得也羣臣皆有是罪其爵祿又無常得之者言屢相攻奪

小民乃並興相為敵讐

集解孔安國曰卿士既亂而小民各起共為敵讐言不和同

今殷其典喪若涉水無

津涯

集解徐廣曰一作涉水無舟航言危也駟謂典國典也索隱尚書典作論篆字變易其義亦殊喪音

息浪

殷遂喪越至于今

集解馬融曰於是至矣於今到矣

曰太師少

師集解馬融曰

我其發出往

集解鄭玄曰發起也紂禍敗如此我其起作出往也

索隱往尚書作狂蓋

亦今文尚書意異爾

集解徐廣曰一云於

帥大夫

今女無故告

集解王肅曰無意告我也是微子求教晦也

予顛躋如

之何其

集解馬融曰躊躇墜也恐顛墜於非義當如之

何也鄭玄曰其語助也齊魯之間聲如姬記曰

居太師若曰王子天篤下菑亡殷國

集解孔安國曰微子帝乙子故曰王子

子天生紂為亂是下菑也鄭玄曰少師不答志在必死正義菑音災

乃母畏畏不用老長集解孔安國曰上不畏天菑下不

畏賢人違戾耆老之長不用其教

今殷民乃陋淫神祇

之祀

集解徐廣曰一云今殷民侵神犧又一云陋淫侵神祇騷案馬融曰天曰神地曰祇索隱尚書作攘

竊劉氏云陋淫猶輕穢也

今誠得治國國治身死不恨為死終不得

治不如去遂亡箕子者

集解馬融曰箕國名也子爵也

索隱司馬

虎曰箕子名胥餘馬融王肅以箕子為紂之諸父服

杜預以為紂之庶兄杜預云梁國蒙縣有箕子冢

始為象箸

索隱箸音持略反按下文云為象箸必為玉

著尊者著地無足是也

劉氏音直慮

箕子歎曰彼為象

反則杯箸亦食用之物並通為器

泰山

箸必為玉杯為杯則必思遠方珍怪之物而御之矣興
馬宮室之漸自此始不可振也紂為淫泆箕子諫不聽
人或曰可以去矣箕子曰為人臣諫不聽而去是彰君

之惡而自說於民吾不忍為也乃被髮佯狂而為奴遂

隱而鼓琴以自悲故傳之曰箕子操

集解駟案風俗通義曰其道閉塞憂愁而作者命其曲曰操操者言遇苗遭害因厄窮迫雖怨恨失意猶守禮義不懼不憚樂道而不改其操也

王子比干者亦紂之親戚也見箕子諫不聽而為奴則

曰君有過而不以死爭則百姓何幸乃直言諫紂紂怒

曰吾聞聖人之心有七竅信有諸乎乃遂殺王子比干

剗視其心微子曰父子有骨肉而臣主以義屬故父有

過子三諫不聽則隨而號之人臣三諫不聽則其義可

以去矣於是太師少師乃勸微子去遂行

集解駟案時比干已死而

云少師者似誤

周武王伐紂克殷微子乃持其祭器造於軍門

肉袒面縛

索隱肉袒者袒而露肉也面縛者縛手於背而面向前也劉氏云面即背也義稍迂

牽羊右把茅膝行而前以告於是武王乃釋微子復其

位如故武王封紂子武庚祿父以續殷祀使管叔蔡叔

傅相之武王既克殷訪問箕子武王曰於乎維天陰定

下民相和其居

集解孔安國曰天不言而默定下民助合其居使有常生之資也

我不

知其常倫所序

集解孔安國曰言我不知天所以定民之常道理次序問何由

箕子對

曰在昔鯀禿鴻水汨陳其五行

集解孔安國曰陸塞汨亂也治水失道是亂陳

五帝乃震怒不從鴻範九等常倫所斁

集解徐廣曰一作釋駢案鄭玄

行帝天也天以鯀如是乃震動其威怒不與天道大法九類言王所問所由敗也

鯀則殛死禹

乃嗣興

集解鄭玄曰春秋傳曰舜之誅也殛鯀其舉也興禹

天乃錫禹鴻範九等

常倫所序

集解孔安國曰天與禹洛出書也神龜負文而出列於背有數至于九禹遂因而第之以成九

類初一曰五行二曰五事三曰八政四曰五紀五曰

皇極六曰三德七曰稽疑八曰庶徵九曰嚮用五福畏

用六極

集解馬融曰言天所以畏懼人用六極

五行一曰水二曰火三曰

木四曰金五曰土

集解鄭玄曰此數本諸陰陽所生之次也

水曰潤下火曰

炎上

集解孔安國曰言其自然之常性也

木曰曲直

集解孔安國曰木從人而更可銷鏽

金

曰從革

集解馬融曰金之性

土曰稼穡

集解王肅曰種之曰稼之曰穡

穡潤下作鹹

集解孔安國曰水鹵所生

炎上作苦

集解孔安國曰焦氣之味

曲直

作酸

集解孔安國曰木實之性

從革作辛

集解孔安國曰金氣之味

稼穡作甘

集解

孔安國曰甘味生於百穀五行以下箕子所陳

五事一曰貌二曰言三曰視四

集解馬融曰發言當使可從

曰聽五曰思六曰恭言曰從

集解馬融曰出令而從所以為

曰聰思曰睿

集解馬融曰睿通也

恭作肅從作治

集解馬融曰出

治也明作智聰作謀

集解孔安國曰所謀必成審也馬融曰上聰則下進其謀

睿作聖

事無不通謂之聖人政一曰食二曰貨三曰祀四曰司

空城郭主空土以居民

五曰司徒

集解孔安國曰主徒衆教以禮義

六曰司寇

集解馬融曰主誅寇官

七曰賓

集解鄭玄曰掌諸侯朝覲之官

八曰師

集解鄭玄曰掌軍旅之官

五紀一曰歲二曰月三曰日四曰星辰

集解孔安國曰數節氣之度

馬融曰星二十八宿辰日月之所會也

鄭玄曰五星也

五曰歷數

集解孔安國曰大中之道以爲歷數

敬授民時

皇極皇建其有極

集解孔安國曰大立其有中謂行九疇之

義斂時五福用傳錫其庶民

集解馬融曰當斂是五福之道用布與衆民

維

時其庶民子女極

集解馬融曰以其能斂是五福故衆民於汝取中正以歸心也

錫女

保極

集解鄭玄曰又賜女以守中之道

凡厥庶民毋有淫朋人毋有比

德維皇作極

集解孔安國曰民有善則無淫過則黨之惡比周之德惟天下皆大為中正也

厥庶民有猷有為有守女則念之

集解馬融曰凡其庶民有謀有為有所執

守當思念其行不協于極不離于咎

皇則受之

集解孔安國曰

凡民之行雖不合於中而不罹

而安而色曰予所好德

於咎惡皆可進用大法受之

女則錫之福

集解孔安國曰女當娶女顏色以謙下人

時

人斯其維皇之極

集解孔安國曰不合于中之人女與之福則是人此其惟大之中言可勉

進也 母侮鰥寡而畏高明

集解馬融曰高明顯寵者不枉法畏之

人之有能

有為使羞其行而國其昌

集解王肅曰使進其行任之以政則國為之昌

凡厥

正人既富方穀

集解孔安國曰爵祿富之又當以善道接之

女不能

使有好于而家時人斯其辜

集解孔安國曰人有好於國家則是人斯

其詐取罪而去也

于其母好女雖錫之福其作女用咎

集解鄭玄曰無

好於女家之人雖賜之以爵祿其動

母偏母頗遵王之

義

集解孔安國曰偏不平頗不正言當修先王正義以治民

母有作好遵王之道

集解

馬融曰好私好

母有作惡遵王之路母偏母黨王道蕩蕩

集解孔安國

國曰言開辟也母黨毋偏王道平平

集解孔安國曰言辨治也母反

母側王道正直

集解馬融曰反反道也側傾側也

當會聚有中之人以為臣也

集解鄭玄曰謂臣也當會聚有中之君而事之

極之傳言

集解馬融曰王者當盡極行之使臣下布陳其言

順用是教訓天下於天為順也

集解馬融曰是大中而常行之

凡厥庶民極之傳言

敷陳其言於上也

集解馬融曰亦盡極上而得中者則順而行

以近天子之光

集解王肅曰近猶益也順行民言所以益天子之光

曰天子作

民父母以為天下王

集解王肅曰政教務中民善是用所以為民父母而為天下所歸往

三德一曰正直

集解鄭玄曰中平之人

二曰剛克三曰柔克

集解鄭玄曰

曰克能也剛而能柔柔而能剛寬猛相濟以成治功

平康正直

集解孔安國曰世平康用正直治之

彊不友剛克

集解孔安國曰

友順也世

內友柔克

集解孔安國曰

國曰世和順以柔能治之

沈漸剛克

集解馬融曰沈陰潛伏也陰伏之

也索隱內當為變變和也

沈潛剛克

集解馬融曰沈陰潛伏也陰伏之謀謂賊臣亂子非一朝一夕之漸君親無將將而

柔克

集解馬融曰高明君子亦以德懷也

維辟作福維辟作威

集解馬融曰辟君也玉食美食不言王者關諸侯也鄭玄曰作福專爵賞也作威專刑罰也玉食備珍美也

臣無有作福作威玉食臣有作福作威玉食其害于而

家凶于而國人用側頗辟民用僭忒

集解孔安國曰在位不端平則下民

僭

稽疑擇建立卜筮人

集解孔安國曰龜曰卜蓍曰筮考正疑事當選擇知卜筮人而

建立

乃命卜筮曰雨曰濟曰涕

集解駟案尚書作闔索隱涕音亦尚書作驛孔

安國曰氣駘驛下連續今此文作涕是涕泣亦相連之狀

曰霧

集解徐廣曰一曰涒蒙與霧亦通徐氏所見本涕作涒蒙作被義通而字變耳

曰克曰貞曰悔凡七卜五

占之用二衍貞

集解鄭玄曰卜五占之用謂雨濟闔霧克也二衍貞謂貞悔也將立卜筮人乃

先命名兆卦而分別之兆卦之名凡七龜用五易用二審此道者乃立之也雨者兆之體氣如雨然也濟者如雨止之雲氣在上者也闔者色澤而光明也霧者氣不釋鬱冥冥也克者如祲氣之色相犯也內卦曰貞貞正

也外卦曰悔悔之言晦也晦猶終也卦象多變故言衍貞

立時人為卜筮

集解鄭玄曰從

分別兆卦之名

者以為卜筮入

三人占則從二人之言

集解鄭玄曰從其多者著龜之

道幽微難明慎之深

女則有大疑謀及女心謀及卿士謀及庶人

謀及卜筮

集解孔安國曰先盡謀慮然後卜筮以決之

女則從龜從筮從卿

士從庶民從是之謂大同

集解孔安國曰大同於吉

而身其康彊而

子孫其逢吉

集解孔安國曰動不違衆故後世遇吉也

女則從龜從筮從卿

士逆庶民逆吉卿士從龜從筮從女則逆庶民逆吉庶

民從龜從筮從女則逆卿士逆吉

集解鄭玄曰此三者皆從多故為吉

女

則從龜從筮逆卿士逆庶民逆作內吉作外凶

集解鄭玄曰此

逆者多以故舉事於境內則吉境外則凶

龜筮共違于人用靜吉用作凶

集解鄭玄曰解

孔安國曰安以守常則吉動則凶

鄭玄曰龜筮皆與人謀相違人雖三從猶不可以舉事

庶徵曰雨

曰賜曰奥曰寒曰風曰時

集解孔安國曰雨以潤物陽以乾物暖以長物寒以成物

風以動物五者各以時所以為衆驗

五者來備各以其序庶草繁廡

集解孔安國曰

國曰言五者備至各以次

一極備凶一極亡凶

集解孔安國曰

序則衆草木繁廡滋豐也

一者備極過甚則凶

集解孔安國曰

一者極無不至亦凶謂其不時失敘之謂也

曰休徵

集解孔安國曰美行之

驗曰肅時雨若

集解孔安國曰君行敬則時雨順之

曰治時暘若

集解孔安國曰

君政治則時暘順之曰知時與若

集解孔安國曰君昭哲則時緩順之

曰謀時寒若

能謀則時寒順之曰安國曰君

曰君能

咎徵

集解孔安國曰通理則時風順之

曰聖時風若

集解孔安國曰君行

曰狂常雨若

集解孔安國曰君行

狂妄則常雨順之

曰僭常暘若

集解孔安國曰君行

曰急常寒若

集解孔安國曰君行急則

曰舒常燠若

集解孔安國曰君行急則

君行逸豫則常燠順之

曰急常寒若

集解孔安國曰君行急則

曰舒常燠若

集解孔安國曰君行急則

順之曰霧常風若

集解孔安國曰君行

曰急常寒若

集解孔安國曰君行急則

馬融

如歲兼四時也卿士維月

集解孔安國曰卿士各

有所掌如月之有別

集解孔安國曰卿士各

師

尹維曰分治其職如日之有歲月也歲月日時毋易

集解孔安國曰衆正官之吏

也

歲月日時毋易

集解孔安國曰衆正官之吏

孔安國曰
各順常

百穀用成治用明

集解孔安國曰歲月無易則百穀成君臣無易則政

明治俊民用章家用平康

集解孔安國曰賢臣顯用國家平寧

日月歲時既

易百穀用不成治用昏不明俊民用微家用不寧庶民

維星

集解孔安國曰星民象故衆民惟若星也

星有好風星有好雨

集解馬融曰箕

星好雨

日月之行有冬有夏

集解孔安國曰日月之行冬夏各有常度

月

之從星則以風雨

集解孔安國曰月經于箕則多風離于畢則多雨政教失常以從民欲亦

所以

五福一曰壽二曰富三曰康寧

集解鄭玄曰

四曰

攸好德

集解孔安國曰所好者德福之道

五曰考終命

集解孔安國曰各成其短長之亂

命以自終

集解鄭玄曰未亂曰凶未

不橫夭

六極一曰凶短折

集解鄭玄曰短未婚曰折索隱未

亂未段齒也

二曰疾三曰憂四曰負五曰惡

集解孔安國曰惡醜

音楚恆反

六曰弱

集解鄭玄曰愚懦不壯毅曰弱

於是武王乃封箕子於朝鮮

索隱朝鮮音潮仙地因水為名

而不臣也其後箕子朝周過故殷虛感

宮室毀壞生禾黍箕子傷之欲哭則不可欲泣為其近

婦人

索隱婦人之性多涕泣也

乃作麥秀之詩以歌詠之其詩曰麥

秀漸漸兮禾黍油油

索隱漸漸麥芒之狀音子廉反又依字讀油油者禾黍之苗光悅貌

彼狡童兮不與我好兮所謂狡童者紂也殷民聞之皆

為流涕

集解杜預曰梁國蒙縣有箕子冢

武王崩成王少周公旦代行

政當國管蔡疑之乃與武庚作亂欲襲成王周公

集解徐廣

曰一云欲襲成周周公既承成王命誅武庚殺管叔放蔡叔乃

命微子開代殷後奉其先祀作微子之命以申之國于

宋

集解駟案世本曰宋更日睢陽

微子故能仁賢乃代武庚故殷之餘

民甚戴愛之微子開卒立其弟衍是為微仲

集解駟案禮記曰微

子舍其孫腯而立衍也鄭玄曰微子適子死立其弟衍

殷禮也索隱家語微子弟仲思名衍一名泄嗣微子為

宋公雖遷爵易位而班級不過其故故以舊官為稱故二微雖為宋公猶微至子稽乃稱宋公也

微仲

卒子宋公稽立

索隱誰周云未謚故名之

宋公稽卒子丁公申立丁

公申卒子湣公共立

湣公共卒弟煥公熙立煥公即位

湣公子鮒祀弑煥公而自立

集解徐廣曰鮒一作鯀索隱誰周亦作鯀祀據左氏

即湣公庶子也 煥公欲立太子弗父何何讓不受

曰我當立是為厲公厲公卒

子釐公舉立釐公十七年周厲王出奔彘二十八年釐

公卒子惠公覲立

集解呂忱曰
覲音古覽反

惠公四年周宣王即位

三十年惠公卒子哀公立哀公元年卒子戴公立戴公

二十九年周幽王為犬戎所殺秦始列為諸侯三十四

年戴公卒子武公司空立武公生女為魯惠公夫人生
魯桓公十八年武公卒子宣公力立宣公有太子與夷
十九年宣公病讓其弟和曰父死子繼兄死弟及天下
通義也我其立和和亦三讓而受之宣公卒弟和立是
為穆公穆公九年病召大司馬孔父謂曰先君宣公舍
太子與夷而立我我不敢忘我死必立與夷也孔父曰
羣臣皆願立公子馮穆公曰母立馮吾不可以負宣公
於是穆公使馮出居于鄭八月庚辰穆公卒兄宣公子

與夷立是為殤公君子聞之曰宋宣公可謂知人矣立

其弟以成義然卒其子復享之殤公元年衛公子州吁

弑其君完自立欲得諸侯使告於宋曰馮在鄭必為亂

可與我伐之宋許之與伐鄭至東門而還二年鄭伐宋

以報東門之役其後諸侯數來侵伐九年大司馬孔父

嘉妻好出道遇太宰華督集解服虔曰目者督戴公之孫督說目而觀之

集解服虔曰目者極視睛不轉也督利孔父妻乃使人宣言國中曰殤

公即位十年爾而十一戰集解賈逵曰一戰伐鄭圍其東門二戰取其永三戰取邦

田四戰邾鄭伐宋入其郛五戰伐鄭圍長葛六戰鄭以
王命伐宋七戰魯敗宋師于菅八戰宋衛入鄭九戰伐
鄭伯十戰鄭入宋十一戰鄭伯以號師大敗宋民苦不堪皆孔父為之我且殺

孔父以寧民是歲魯弑其君隱公十年華督攻殺孔父
取其妻殤公怒遂弑殤公而迎穆公子馮於鄭而立之
是為莊公莊公元年華督為相九年執鄭之祭仲要以
立突為鄭君祭仲許竟立突十九年莊公卒子湣公捷
立湣公七年齊桓公即位九年宋水魯使臧文仲往弔

水集解賈逵曰問凶曰弔湣公自罪曰寡人以不能事鬼神政不

修故水滅文仲善此言此言乃公子子魚教湣公也十

年夏宋仲輶戰於乘丘

集解賈逵曰南宮氏萬名宋卿

宋人請萬萬歸宋十一年秋

湣公與南宮萬獵因博爭行湣公怒辱之曰始吾敬若今若魯虜也萬有力病此言遂以局殺湣公于蒙澤

集解解服虔

大夫仇牧聞之以兵造公門

萬搏牧牧齒著門闔死

集解何休曰閔門扇

因殺太宰華督乃更

立公子游為君諸公子犇蕭公子禦說犇毫

集解服虔曰蕭毫宋

集解徐廣曰乘一作脰案杜預曰乘丘魯地

魯生虜

賈逵曰蒙澤宋澤名也杜預曰宋地梁國有蒙縣

邑也杜預曰今沛國有蕭
縣蒙縣西北有毫城也

萬弟南宮牛將兵圍毫冬蕭

及宋之諸公子共擊殺南宮牛弑宋新君游而立湣公
弟禦說是為桓公宋萬葬陳宋人請以賂陳陳人使婦

人飲之醇酒

集解服虔曰宋萬多力勇不可執故以革先使婦人誘而飲之酒醉而縛之

以革

裹之歸宋

集解駢案左傳曰以犀革裹之

宋人醢萬也

集解服虔曰醢肉醬桓公

二年諸侯伐宋至郊而去三年齊桓公始霸二十三年

迎衛公子噲於齊立之是為衛文公文公女弟為桓公

夫人秦穆公即位三十年桓公病太子茲甫讓其庶兄

目夷為嗣桓公義太子意竟不聽三十一年春桓公卒

太子茲甫立是為襄公以其庶兄目夷為相未葬而齊

桓公會諸侯于葵丘襄公往會襄公七年宋地賈星如

雨與雨偕下

集解 駟案左傳曰隕石于宋五隕星也

六鶴退蜚

集解 駟案公羊傳曰

視之則六察之則鶴徐察之則退飛索隱按僖十六年左傳賈石于宋五賈星也六鶴退飛過宋都是當宋襄公之時訪內史叔興曰吉凶焉在對曰君將得諸侯而不終也然莊七年傳又云恒星不見夜中星賈如雨與雨偕也且與雨偕下自在別年不與賈石退鶴之事同此史以賈石為賈星遂連恒星不見之時與雨偕為文故與左傳

風疾也

集解 賈逵曰風起於遠至宋

八年齊

小異也

桓公卒宋欲為盟會十二年春宋襄公為鹿上之盟

集解

杜預曰鹿上宋地汝陰有原鹿縣索隱按汝陰原鹿其地在楚僖二十一年宋人楚人齊人盟于鹿上是也然襄公求諸侯于楚楚總許之許未合至汝陰以求諸侯鹿上今濟陰東氏縣北有鹿城蓋此地也

於楚楚人許之公子目夷諫曰小國爭盟禍也不聽秋

諸侯會宋公盟于孟

集解杜預曰孟宋地

目夷曰禍其在此乎君

欲已甚何以堪之於是楚執宋襄公以伐宋冬會于毫

以釋宋公子魚曰禍猶未也十三年夏宋伐鄭子魚曰

禍在此矣秋楚伐宋以救鄭襄公將戰子魚諫曰天之

弃商久矣不可冬十一月襄公與楚成王戰于泓

集解
駟案

穀梁傳曰戰于泓水之上

楚人未濟目夷曰彼衆我寡及其未濟擊

之公不聽已濟未陳又曰可擊公曰待其已陳陳成宋

人擊之宋師大敗襄公傷股國人皆怨公公曰君子不

因人於阨不鼓不成列

集解何休曰軍法以鼓戰以金止不鼓不戰也不成列未成陳

子魚曰兵以勝為功何常言與

集解徐廣曰一云尚何言與

必如公

言即奴事之爾又何戰為楚成王已救鄭鄭享之去而

取鄭二姬以歸

索隱謂鄭夫人芊氏姜氏女既

是鄭女故云二姬叔瞻曰成王

無禮

正義謂取鄭二姬也

其不沒乎為禮卒於無別有以知其不

遂霸也是年晉公子重耳過宋襄公以傷於楚欲得晉

援厚禮重耳以馬二十乘

集解服虔曰八十匹

十四年夏襄公病

傷於泓而竟卒

索隱春秋戰于泓在僖二十三年重耳過宋及襄公卒在二十四年今此文以

重耳過與傷泓共歲故云是年又重耳過與宋襄公卒共是一歲則不合更云十四年是進退俱不合於左氏

蓋太史公之疎爾

子成公王臣立成公元年晉文公即位三年

倍楚盟親晉以有德於文公也四年楚成王伐宋宋告急於晉五年晉文公救宋楚兵去九年晉文公卒十一

年楚太子商臣弑其父成王代立十六年秦穆公卒十

七年成公卒

正義年表云公孫固殺成公

成公弟禦殺太子及大司

馬公孫固

正義世本云宋莊公孫名固為大司馬

而自立為君宋人共殺

君禦而立成公少子杵臼

正義年表云宋昭元年杵臼襄公之子徐廣曰一云成公

少是為昭公昭公四年宋敗長翟緣斯於長丘

集解駢案魯世

家云宋武公之世獲緣斯於長丘今云此時未詳索隱春秋文公十一年魯敗翟于鹹獲長狄緣斯於長丘齊系家惠公二年長翟來王子城父攻殺之此竝取左傳之說散於諸國系家今考其年歲亦頗相協而魯系家云武公此云昭公蓋此昭當為武然前代雖已有武公此杵臼當亦謚武也若將不然豈下五代公子特為君

又豈誰昭乎

七年楚莊王即位九年昭公無道國人不附昭

公弟鮑革

集解徐廣曰
一無革字

賢而下士先襄公夫人欲通於

公子鮑不可

集解服虔曰襄公夫人周襄王之姪也
不可鮑不肯也

乃助之施

於國

正義施賊是反襄夫人助公子鮑布施恩惠於國人也

因大夫華元為右師

正義公子鮑因華元請得為右師

華元戴公五代孫華督之曾孫也

昭公出獵夫人王姬

使衛伯攻殺昭公杵臼

弟鮑革立是為文公文公元年

晉率諸侯伐宋責以弑君聞文公定立乃去

二年昭公

子因文公母弟須與武繆戴莊桓之族為亂

文公盡誅

之出武繆之族

集解賈逵曰出逐也

四年春鄭命楚伐宋宋使華

元將鄭敗宋囚華元華元之將戰殺羊以食士其御羊

羨不及

集解駟案左傳曰御羊斟也

故怨馳入鄭軍故宋師敗得囚

華元宋以兵車百乘文馬四百疋

集解賈逵曰文狸文也王肅曰文馬畫馬

正義按文馬者裝飾其馬四百疋用牽車百乘遺鄭贖華元也又云文馬赤鬣縞身目如黃金

贖華

元未盡入華元亡歸宋十四年楚莊王圍鄭鄭伯降楚

楚復釋之十六年楚使過宋宋有前仇執楚使九月楚

莊王圍宋十七年楚以圍宋五月不解宋城中急無食

華元乃夜私見楚將子反子反告莊王王問城中何如

曰析骨而炊

集解何休曰析破人骨也

易子而食莊王曰誠哉言我

軍亦有三日糧以信故遂罷兵去二十二年文公卒子

共公瑕立始厚葬君子譏華元不臣矣共公九年華元

善楚將子重又善晉將樂書兩盟晉楚十三年共公卒

華元為右師魚石為左師司馬唐山攻殺太子肥欲殺

華元華元奔晉魚石止之至河乃還

集解駟案皇覽曰華元冢在陳留小

黃縣城北誅唐山乃立共公少子成是為平公

集解駟案左傳曰魚石奔

楚平公三年楚共王拔宋之彭城以封宋左師魚石四

年諸侯共誅魚石而歸彭城於宋三十五年楚公子圍

弑其君自立為靈王四十四年平公卒子元公佐立元

公三年楚公子棄疾弑靈王自立為平王八年宋火十

年元公母信詐殺諸公子大夫華向氏作亂楚平王太

子建來奔見諸華氏相攻亂建去如鄭十五年元公為

曾昭公避季氏居外為之求入魯行道卒子景公頭曼

立索隱按曼立音萬景公十六年魯陽虎來奔已復去二十五

年孔子過宋宋司馬桓魋惡之欲殺孔子孔子微服去

三十年曹倍宋又倍晉宋伐曹晉不救遂滅曹有之

正義

宋景公滅曹在魯哀公八年周敬王三十三年也

三十六年齊田常弑簡公三

十七年楚惠王滅陳熒惑守心心宋之分野也景公憂

之司星子韋曰可移於相景公曰相吾之股肱曰可移

於民景公曰君者待民曰可移於歲景公曰歲饑民困

吾誰為君子韋曰天高聽卑君有君人之言三熒惑宜

有動於是候之果徙三度六十四年景公卒宋公子特

攻殺太子而自立是為昭公

索隱特一作得按左傳景

公無子取元公庶曾孫公

孫周之子得反啟畜于公宮及景公卒先立啟後立得是為昭公與此全乖未知太史公據何為此說昭

公者元公之曾庶孫也昭公父公孫糾糾父公子孺秦

集解徐廣

瑞音端 瑰秦即元公少子也景公殺昭公父糾

索隱左傳

周云名故昭公怨殺太子而自立昭公四十七年卒子悼

公購由立

集解駟案年表云四十九年索隱購音古候反

悼公八年卒

索隱紀年為十

八子休公田立休公二十三年卒子辟公辟兵立

集解徐廣

日一云辟公兵索隱紀年作桓侯壁兵則壁兵謚桓也又莊子云桓侯行未出城門其前驅呼辟蒙人止之後

為狂也司馬彪云呼辟使人避道蒙人以桓侯名辟而前驅呼辟故為狂也

辟公三年卒子

別成立

集解駟案年表云別成君也索隱王邵按紀年云宋別成肝廢其君璧而自立

別成四

十一年別成弟偃攻襲別成別成敗奔齊偃自立為宋

君君偃十一年自立為王

索隱戰國策呂氏春秋皆以偃諡康王

東敗齊

取五城南敗楚取地三百里西敗魏軍乃與齊魏為敵

國盛血以韋囊縣而射之命曰射天淫於酒婦人羣臣

諫者輒射之於是諸侯皆曰桀宋

索隱晉太康地記言其似桀也宋其

復為紂所為不可不誅告齊伐宋王偃立四十七年齊

湣王與魏楚伐宋殺王偃遂滅宋而三分其地

集解 駢案年表

云偃立四年

太史公曰孔子稱微子去之箕子為之奴比干諫而死

殷有三仁焉

集解 何晏曰仁者愛人三人行異而同稱

仁者何也以其俱在憂亂而寧民也夏侯玄曰微子仕之窮也箕子比干智之窮也故或盡材而

止或盡心而留皆其極也致極斯君子之事矣是以三仁不同而其

歸一揆也

春秋譏宋之亂自宣公廢太子而立弟

集解 案公羊傳曰君子大居國以不寧者十世

索隱公羊春秋有此

正宋之禍宣公為之也

襄公之時修行仁義欲為盟主其大夫正考

說左氏則無譏焉

父美之故追道契湯高宗殷所以興作商頌

集解馴案韓詩商頌

章句亦美襄公索隱今按毛詩商頌序云正考父於周之大師得商頌十二篇以那為首國語亦同此說今五

篇存皆是商家祭祀樂章非孝父追作也又孝父佐戴武宣則在襄公前且百許歲安得述而美之斯謬說爾襄公既敗於泓而君子或以為多

集解馴案公羊傳曰君子大其不鼓不成

列臨大事而不忘大禮有君而無臣以為雖文王之戰亦不過此也傷中國闕禮義衰之

索隱襄公臨大事不忘大禮而君子或以為多且傷中國之亂闕禮義之舉遂不嘉宋襄之盛德太史公襄而述之故云襄之也

宋襄之有禮讓也

索隱述贊曰殷有三仁微箕紂親一因一去不顧其身頌美有客書稱作賓卒傳家嗣或叙義倫微仲之

後世載忠勤穆亦能讓實為知人傷泓
之役有君無臣偃號桀宋天之棄殷

泓

史記卷三十八

史記卷三十八考證

宋微子世家及祖伊以周西伯昌之脩德滅仇仇國懼禍至以告紂。臣照按仇國二字疑衍文

於是太師少師乃勸微子去遂行。王若虛辨惑曰微子度紂終不可諫欲死之及去未能自決乃問太師少師曰云云太師若曰云云誠得治國國治身死不恨為死終不得治不如去遂亡則微子既已去矣而復記箕子之所以奴比干之所以死而終之日微子

以為父子有骨肉而臣主以義屬父有過子三諫不聽則隨而號之人臣三諫不聽則可以去矣于是太師少師乃勸微子去遂行何耶

左牽羊右把茅。孔穎達左傳疏曰史記之言多有錯
繆微子手縛于後故以口銜璧又焉得牽羊把茅也

臣照

按孟子曰盡信書則不如無書此類是也微子適周尚在大會孟津之前則周固殷諸侯以王之庶兄而之其國何面縛銜璧輿襯而請死乎此春秋時

傳聞之紕繆而因而襲之者耳亦不止史遷所載手
縛於後而又左牽羊右把茅之謂自相矛盾即左氏
所載亦不可信也

乃命微子開代殷後奉其先祀作微子之命以申之國
于宋。毛詩振鶩疏曰以樂記之文知武王初即封
微子于宋矣但未知爵之尊卑國之大小耳至成王
既殺武庚命為殷後當爵為公地方百里至制禮之
後當受上公之地更方五百里史記以為成王之時

始封微子于宋與樂記文乖其說非也

殤公即位十年爾。

臣照

按既云即位十年何得編於

九年之下左傳此事本在十年則上文九年九字蓋

十字之訛也

是歲魯弑其君隱公。左傳及魯世家年表隱公弑于

宋殤公之八年

九年執鄭之祭仲要以立突為鄭君祭仲許竟立突。

左傳及年表俱作十年

十年夏宋伐魯戰於乘丘。左傳宋殤九年為魯莊之

十一年夏宋為乘丘之役。秋宋大水公使弔焉此叙

戰乘丘於大水之後又書曰十年

十一年秋。臣世駿按殤公立十年而被弑此云十一

年秋一字蓋衍文

襄公七年宋地震星如雨與雨偕下六鶴退蜚○王若虛辨惑曰魯莊公七年四月辛卯夜中星隕如雨倍公十六年正月戊申隕石如宋五是月六鶴退飛過

宋都左氏云隕石于宋隕星也史記世家乃謂宋襄公七年宋地隕星如雨與雨俱下六鶴退蜚按春秋星隕如雨初不指其在宋且莊公七年之四月與僖公十六年之正月相去亦遠矣安得併為宋地同時之事乎蓋見左氏釋隕石為隕星故誤誌焉而隕石之事反遺而不書

楚成王已救鄭鄭享之去而取鄭二姬以歸叔瞻曰成王無禮其不沒乎為禮卒于無別有以知其不遂霸

也。徐孚遠曰以工楚事著於宋傳失刪正也

子成公王臣立。穀梁傳作壬臣

昭公四年宋敗長翟緣斯於長丘。

臣清植

按黃震日

鈔曰史載宋昭公四年敗長翟緣斯於長丘而魯世

家稱當宋武公之世武公實為昭公九世祖是史自

為矛盾也今考魯世家文公十一年獲長翟僑如史

追載宋武獲長翟緣斯之事緣斯者僑如之祖也宋

昭公之四年正當魯文公之十一年是獲僑如之歲

非獲緣斯之歲也緣斯於僑如為祖則獲緣斯者為宋武公非宋昭公也二事叅考則魯世家所載近是宋世家所載非是也裴駟以為未詳或者世次莫定

當闕疑與

夫人王姬使衛伯攻殺昭公杵臼弟鮑革立。左傳昭公將田孟諸未至夫人王姬使帥甸攻而殺之此云衛伯不知何據又左傳及年表皆作鮑此云鮑革亦

互異

昭公子因文公母弟須與武繆戴莊桓之族為亂。左傳為亂者武繆之族攻之者戴莊桓之族與此異

鄭命楚伐宋。徐孚遠曰左傳云鄭公子歸生受命於楚伐宋此云鄭命楚伐宋恐誤臣照按此傳寫倒置

耳蓋楚命鄭伐宋

楚以圍宋五月不解。

臣照

按杜預注左傳云在宋積

九月此云五月不解蓋承公羊傳夏五月宋人及楚人平之文年表遂云圍宋五月其誤正與此同呂氏

春秋云莊王圍宋九月康王圍宋五月聲王圍宋十月

共公瑕立。三傳共公名固

共公九年華元善楚將子重又善晉將欒書兩盟晉楚
○徐寧遠曰在左傳向戌之事也此言華元為誤陳
子龍曰宋共公之元年為晉成公之三年傳無兩盟
晉楚之事是時鄭方黨楚晉宋同伐鄭其明年華元
始聘魯其訛為魯襄二十七年宋之盟無疑

司馬唐山。左傳作蕩澤

乃立共公少子成。公羊傳作成

子景公頭曼立。春秋作欒

三十七年楚惠王滅陳。左傳三十九年魯哀公之十

七年也

襄公之時修行仁義欲為盟主其大夫正考父美之故追道契湯高宗殷所以興作商頌。朱子曰太史公蓋本韓詩之說頌皆天子之事非宋所有其辭古奧

亦不類周世之文

史記卷三十八考證

謹案卷三十七第二頁後八行五代孫祖恒為方

伯刊本祖訛袒今改

第四頁後二行濮水受沫刊本沫訛沛今改

卷三十八第七頁前一行孔安國曰言辨治也刊

本辨訛下據尚書孔傳改

第十一頁前八行二微雖為宋公猶微案家語猶
微作猶以微稱之此有脫漏

第十六頁後六行春秋文公十一年魯敗翟於鹹

獲長狄緣斯于長丘事義不接以下文推之此
所引當是魯世家訛為春秋又獲長狄上脫宋
武公之世五字

第十七頁前五行公子鮑因華元請得為右師列
本鮑因二字訛在華元之下案史說此事與左

傳異今推文義改



總校官庶吉士臣侍朝

校對官檢討臣王鍾健

謄錄舉人臣王旭暢